

անկանի և կորնչի, ըստ բանին մարգարէի որ  
ասաց թէ անցի և ոչ տեսի, հարցուցի և ոչ գտայ  
տեղի նորայ, և այսպիսի իշխանաբար ինքնակալ  
անձամբ թագաւորութիւնք անցին 'ի վերայ աշ-  
խարհին և 'ի վերայ ազգին մերոյ բազումք, այլ  
կատարածն թողին մեզ որբ և այրի պարտաւոր  
վասն ինքնակամ գործոց անօրէնութեանց իւ-  
րեանց և հատուցանող փոխանակ միոյ անօրէ-  
նութեան պարտուց նոցայ հարիւրապատիկ ծա-  
ռայութեամբ մեզ. ուրեմն մի խաբեցաք կրկին  
և մի տայք տեղի անօրէնութեան հովուաց մե-  
րոց, և մի կրկին ցանեցուք որոմն անօրէնու-  
թեան ընդ աշխարհս մեր, զի աւերեսցէ արան  
ցորենոյ ազատութեան մերոյ և կատարածն մատ-  
նեսցի սերունդս մեր 'ի ներքոյ լծի ծառայու-  
թեան, որպէս այժմ մատնեալ կամք, այլ հար-  
կաւոր է և յոյժ հարկաւոր, զի արիասցուք ազա-  
տապէս, և գօտի Օրինաց և արդարութեան ընդ  
մէջ ածցուք, ընտրեսցուք մեզ բարիս քաղցրա-  
համ և զիւրաճաշակ յօրէնս անխախտելիս, այն  
որ հրամայեցաւ 'ի Տեառնէ արարչէն մերմէ՝ պա-  
հել 'ի ամենայն տեսակէ պտղոյ որում տկարա-  
ցուցանէ հոգի և մարմին ճաշակողին, և միաբան  
ընդունեսցէք կալ և մնալ հաստատուն 'ի վերայ  
պահելոյ Օրինաց մերոց, որում ազգեցութեամբ  
սուրբ հոգոյն շառաւեղելով 'ի վերայ բանական  
հոգւոյ մերոյ՝ ընտրեսցուք և հաւանեսցի ընդ մէջ